

摛藻堂四庫全書薈要

集部

欽定四庫全書薈要

集部

御定全唐詩卷八百六十九至七十一

詳校官原任主事臣李斯咏

集部

欽定四庫全書  
全唐詩卷一萬八千二百七十四

御定全唐詩卷八百六十九

高祖

嘲蘇世長

世長嘗事僞鄭王世充爲行臺右僕射洛陽平歸國高祖與之有舊釋之

授玉山屯監恩禮殊厚嘗嘲之云云世長對曰名長意短實如聖旨口正心邪未敢奉詔昔實

融以河西降漢十世封侯臣以山南歸國惟蒙屯監即日擢拜諫議大夫

名長意短口正心邪棄忠貞於鄭國忘信義於吾家

睿宗

戲題畫

喚出眼何用苦深藏縮却鼻何畏不聞香

歐陽詢

朝蕭瑀射

宋公蕭瑀不解射九月九日賜射  
瑀箭俱不著垛詢詠之云云

急風吹緩箭弱手馭強弓欲高翻復下應西還更東十  
迴俱著地兩手并擎空借問誰爲此乃應是宋公

長孫無忌

與歐陽詢互嘲

無忌見詢姿形麼陋嘲之詢答云云太宗聞之笑曰詢此嘲曾

不畏皇后邪無  
忌皇后兄也

聳膊成山字埋肩不畏  
一作出頭誰家麟閣上畫此一獮

猴無忌

索頭連背暖漫一作福畏肚寒只因心渾渾所以面團

團詢

襄略

爲溫僕射嘲竹

宿衛襄略試判落第詣僕射溫彥博披訴不理略自云能嘲戲

彥博曰意與語指廳

前竹令嘲應聲云云

竹風吹青蕭蕭凌冬葉不凋經春子不穀虛心未得待

國士皮上何須生節目

一作竹冬月不肯凋夏月不肯  
穀肚裏不能容國士皮外何勞

生節

目

又嘲屏牆

彥博又令嘲屏牆略云云彥博曰此語似傷博略曰即扳公筋何止傷膊

博慙而

與官

高下八九尺東西六七步突兀當廳坐幾許遮賢路

省吏

嘲崔左丞

武德中清河崔善爲尚書左丞諸曹吏惡其聰察其人短樞嘲之云云

高祖勞之曰齊末姦吏歌解律明月高緯昏不  
察至滅其家朕雖不德幸免是下令求謗者謗  
止遂

崔子曲如鉤隨例得封侯體上全無項胷前別有頭

選人

嘲高士廉木履

士廉掌選有選人自云解嘲謔士廉時著木履令嘲之應聲云

云士廉笑

而引之

刺鼻何曾嚏踢面不知噴高生兩箇齒自謂得勝人

襄文智

書化度藏院碑

西京化度寺內有無盡藏院施捨日盛開國而後其積至不可

勝計常使名僧監藏一分供天下伽藍修理之用一分施天下飢餓一分充舊供無遮之會城中士女有大車載錢帛捨之棄去不知姓名者貞觀中有道士裴玄智者嘗入寺灑埽十年有餘寺中觀其戒行修謹宛是修行高人使之守藏一日潛走去不還寺衆驚異於玄智寢房內看壁上有詩四句盜去黃金不可知數竟莫知所之矣後武后移藏東都福光寺日久漸耗尋移歸本院至開元九年以所餘散京師諸寺藏遂絕焉

將肉遺狼守置骨向狗頭自非阿羅漢焉能免得偷

二首

句一作放羊狼領  
下置骨狗前頭

寶昉

嘲許子儒

子儒舊任奉禮郎永徽中造國子學子儒經紀當有階級後不得階寶昉

詠之云云

不能專習禮虛心強覓階一年辭爵弁半歲履麻鞋瓦  
惡頻蒙櫬音國牆虛屢被叔映樹便側睡過匱即放乖歲  
暮良工畢言是越朋儕今日綸言降方知愚計喟

口淮切

梁寶

與趙神德互嘲

唐初梁寶好嘲戲因公行至貝州問佐史云此州趙神德甚能

嘲令召之寶甚黑神德兩眼俱赤因互嘲寶無以答謝遣之

趙神德天上既無雲閃電何以無準則寶向者入門來案後惟見一挺墨神德官裏料朱砂半眼供一國寶磨公小拇指塗得太社北神德

釋元康

與講師互謔

元康入京見一法師盛集徒衆講經與申問往返戲之云云講師亦

復之蓋譏康之無生徒也康爲之解詞理更煥然太宗聞之詔入安國寺講

甘桃不結實苦李壓低枝

元康

輪王千箇子巷伯勿孫

兒講師

李榮

詠興善寺佛殿災

京城流俗僧道常爭二教優劣遍相非斥總章中興善寺

爲火災所焚尊像蕩盡東明觀道士李榮因詠此榮巴西人也

道善何曾善言興且不興如來燒赤畫惟有一羣僧

張元一

敘可笑事

元一則天朝爲左司郎中善滑稽時蕃人上封事多加官賞有爲右臺御

史者則天問元一在外有何可笑事元一云云胡御史胡元禮也於是蕃人爲御史者尋改他

官

朱前疑著緣遠仁傑著朱閭知微騎馬馬吉甫騎驢將  
名作姓李千里將姓作名吳栖梧左臺胡御史右臺御

史胡

嘲武懿宗

契丹寇幽州武懿宗統兵禦之至邠  
畏懦而遁懿宗短陋元一嘲云云則

天未曉曰懿宗無馬耶元一曰騎豬夾豕也則  
天大笑懿宗曰此元一宿構不是卒辭則天曰  
以韻與之懿宗曰請以韻元一應  
聲云云則天大悅懿宗極有慙色

長弓短度箭蜀馬臨階鷹去賊七百里隈牆獨自戰忽

然逢著賊騎豬向南趨

又嘲

裹頭極草草掠鬚不羣羣未見桃花面皮漫作杏子眼

孔

詠靜樂縣主

靜樂縣主懿宗妹懿宗短醜武氏最長時號大哥縣主與則天竝馬

行命元一詠云云則天

大笑縣主又極慙也

馬帶桃花錦席銜綠草羅定知幃帽底儀容似大哥

杜易簡

嘲格輔元

格輔元拜監察遷殿中充使次龍門遇盜行裝都盡袒被而坐監察御史

杜易簡戲詠之云云

有恥宿龍門精彩先瞰渾眼瘦呈近店睡響徹遙林埒囊將舊識製被異新婚誰言驄馬使驪作蟄熊蹲

石抱忠

則天時檢校天官郎中

始平諧詩

平明發始平薄暮至何城庫墻朝雲上晃池夜月明略  
約橋頭逢長史欒星門外揖司兵一羣縣尉驢驃驃數

箇參軍鵝鴨行

梁載言

詠傳巖監祠

傳巖嘗在左臺監察中雷而中雷  
小祠無犧牲之禮比迴悵望曰初

以爲大祠乃全疎薄殿

中梁載言詠之云云

聞道監中雷初言是大祠很傍索傳馬忽動出安徵衛  
司無帀幕供膳乏鮮肥形容消瘦盡空往復空歸

劉行敏

嘲崔生

行敏長安令有崔生飲酒歸犯夜被武  
候執縛五更初猶未解行敏向朝至街

逢之與解縛  
因詠之云云

崔生犯夜行武候正嚴更幞頭拳下落高髻掌中擎杖  
迹曾前出繩文腕後生愁人不惜夜隨意曉參橫

又嘲楊文瓘

武陵公楊文瓘任戶部侍郎以能飲令宴蕃客渾王遂錯與延陀兒

宴行敏詠  
之云云

武陵敬愛客終宴不知疲遣共渾王飲錯宴延陀兒始  
被鴻臚識終蒙御史知精神既如此長歎復何爲

嘲李叔慎

賀蘭僧伽杜善賢

善賢長安令  
三人皆黑

叔慎騎烏馬僧伽把漆弓喚取長安令共獵北山熊

陸子

嘲父

尚書右丞陸餘慶轉洛川長史善論事而謬於判決其子嘲之送案禱下餘慶得而

那狗遂鞭之

讀之曰必是

陸餘慶筆頭無力觜頭硬一朝受辭訟十日判不竟

先是

人有嘲陸者云說事則喙

長三寸判事則手重五斤

楊廷玉

則天表姪爲嘉興令貪猥無御史康言推奏斷死敷免

迴波詞

迴波爾時廷玉打獵取錢未足阿姑婆見作天子傍人

不得張觸

中宗朝優人

迴波詞

御史大夫裴談妻悍姑談畏之如嚴君  
韋庶人頗襲武后之風中宗漸畏之

內宴互唱迴波詞有優人云  
云后意色自得以東帛賜之

迴波爾時榜榜怕婦也是大好外邊祇有裴談內裏無

過李老

崔日用

乞金魚詞

日用爲御史中丞賜紫是時佩魚須有特恩因會宴日用撰詞云云中宗

以金魚

賜之

臺中鼠子直須諳信足跳梁上  
辟龕倚翻燈脂汙張五  
還來齧帶報韓三莫浪語直王相  
大家必若賜金龜賣却貓兒相報賞

又賜宴自歌

中宗宴日用起舞自歌云云其日以日用兼修文館學士制日用

書窮萬卷學富三

冬日用舞蹈拜謝

東館總是鵝鸞南臺自多杞梓日用讀書萬卷何忍不

蒙學士墨制簾下出來微臣眼看喜死

吳人

詠癡

鄭惜曾罵選人爲癡漢選人曰僕是吳癡漢即是公惜令詠癡吳人云云惜本姓鄭

改姓

鄭時人

號爲

鄭鄭

榆兒復榆婦造屋兼造車十七八九夜還書復借書

封抱一

歇後

抱一任櫟陽尉有客過之既短又患眼及鼻塞用千字文語嘲之

面作天地玄鼻有雁門紫既無左達承何勞罔談彼說一

人有患側眼及翳又有患鼻鼈者互嘲一云眼能日  
月盈爲有陳根委一云不別似蘭斯都由雁門紫

麌崇裕

送司功入京

崇裕爲冀州參軍嘗有司功入京以詩送之云云司功曰大才士先生其誰曰吳兒博士教此聲韻司功曰師明弟子哲

崇裕有幸會得遇明流行司士向京去曠野哭聲哀

權龍褒

中宗時爲瀛州刺史

嶺南歸後獻詩

龍褒有何罪天恩放嶺南敕知無罪過追來與將軍

龍褒

初以親累遠貶洎歸獻此一云無事向容  
山今日向東都陛下敕追來今作右金吾

初到滄州呈州官

遙看滄海城楊柳鬱青青中央一羣漢聚坐打杯觥

官州

見此詩謂曰公有逸才  
褒曰不敢趁韻而已

秋日述懷

檐前飛七百雪白後園彊飽食房裏側家糞集野蠅

時有

參軍不曉其義請釋之褒曰鵠子檐前飛直七百文洗  
衫挂後園乾白如雪飽食房中側臥家裏便轉集得野

蠅也

喜雨

暗去也沒雨明來也沒雲日頭赫赤出地上綠氤氳

皇太子夏日賜宴詩

嚴霜白浩浩明月赤團團

太子援筆爲讚曰龍褒才子  
泰州人士明月晝耀嚴霜夏

起如此詩章  
趁韻而已

崔泰之

哭李嶠詩

臺閣神仙地衣冠君子鄉昨朝猶對坐今日忽云亡魂

隨司命鬼魄逐見間王此時罷歡笑無復向朝堂

蘇頲

詠尹字

頲幼年有京兆尹過父壞命詠尹字

丑雖有足甲不全身見君無口知伊少人

張敬忠

詠王主敬

武德貞觀以來尚書郎吏兵部爲前行最爲要劇考功員外掌試貢舉人

郎之最望者司門都比屯田虞水膳部主客皆在後行閑簡先天中王主敬爲侍御史自以才望清雅當入省常望前行忽除膳部員外郎微有悵惋吏部郎中張敬忠戲詠云云膳部在省

中 最 東 北 閣

故 有 此 句

有意嫌兵部專心望考功誰知脚蹠蹬却落省牆東

韋鏗

嘲邵景蕭嵩

邵景擢第遷至右臺監察考功員外時神武即位景與殿中御史蕭

嵩韋鏗俱升殿行事制出景嵩俱授朝散大夫

而鏗無命景嵩貌皆類胡景鼻高而嵩鬚多同

時服朱紱對立於庭鏗獨廉下竊窺而詠云云

一雙胡子著緋袍一箇鬚多一鼻高相對廳前捺且去聲  
立自慙身品世間毛

邵景

朝韋鏗他日睿宗御承天門百僚備列鏗忽風眩而倒鏗肥而短景詠之云云

飄風忽起團團旋倒地還如著脚餳莫怪殿上空行事却爲元非五品才

李休烈

詠毀天樞

長壽三年則天徵天下銅五十餘萬斤鐵一百三十餘萬斤于定鼎門內

鑄八稜銅柱

高九十尺徑一丈二尺題曰大周

萬國述德天樞紀革命之功下置鐵山銅龍負

載獅子麒麟圍繞上有雲蓋施盤龍以托珠高

一丈圍三丈光彩熒煌光侔日月開元中詔毀

天樞發辛鎔鑠彌月不盡休烈爲洛陽尉賦詩以詠之先是有訛言云一條麻線挽天樞言其不經久也故休烈詩及之士庶莫不詠諷

天門街上倒天樞火急先須卸火珠計合一條麻線挽何勞兩縣索人夫

石惠泰

岐王府

參軍

與李全交詩

全交監察御史

御史非常任參軍不久居待君遷轉後此職還到余

黃幡綽

伶人

嘲劉文樹

安西牙將劉文樹口辨善奏對明皇  
每嘉之文樹鬚生額下貌類猴上令

黃幡綽嘲之文樹切惡猿猴之號乃密賂幡綽  
不言幡綽許而進嘲云云上知其遺賂大笑

可憐好箇劉文樹鬚鬚共頰頤別住文樹面孔不似猢  
猻猢猻面孔強似文樹

祖詠

尚書省門吟

開元中進士唱第尚書省落第者至省門散去詠吟云云

落去他兩兩三三戴帽子日暮祖侯吟一聲長安竹柏  
皆枯死

王昌齡

上馬當山神

開元中昌齡自吳抵京舟行至馬當山先有禱神備屬風便不能駐

命使齋獻於廟及草履致於夫人題詩云云當市草履時兼市金錯刀一副貯履內忘取之并將往行數里忽有赤鯉魚長三尺躍入舟中剖腹得刀焉

青驄一匹崑崙牽奏上大王不取錢直爲猛風波滾驟莫怪昌齡不下船

張懷慶

竊李義府詩

東強尉張懷慶好偷竊名士文章李義府嘗賦詩云鏤月爲歌扇裁

雲作舞衣自憐迴雪影好取  
洛川歸懷慶乃爲詩云云

生情鏤月爲歌扇出性裁雲作舞衣照鏡自憐迴雪影

來時好取洛川歸

時人因爲懷慶語云活  
剝王昌齡生吞郭正一

賀知章

荅朝士

朝士以知章吳越人戲云南  
金復生中土知章賦詩云云

銕鏤銀盤盛蛤蜊鏡湖蓴菜亂如絲鄉曲近來佳此味  
遮渠不道是吳兒

顧況

和知章詩

銕鏤銀盤盛炒鰣鏡湖蓴菜亂如麻漢兒女嫁吳兒婦  
吳兒盡是漢兒翁

續茅山秀才吟

顧著作在茅山有一秀才行吟得句久不得屬顧云云秀才以

其無禮審知是

況慙惕而退

駐馬上山阿

茅山秀才

風來屎氣多

況

史思明

櫻桃子詩

思明在東都遇櫻桃穀其子在河北寄之因作詩同去詩成衆皆贊美之

曰此詩大佳若押作一半周至一半懷王即與  
黃字聲勢稍穩思明大怒曰我兒豈可居周至

之

櫻桃子半赤半已黃一半與懷王一半與周至

至當作費思明

僭號以子朝義爲懷王周費爲相

御定全唐詩卷八百六十九

欽定四庫全書  
全唐詩卷八百七十五

集部

御定全唐詩卷八百七十

高亭

一作  
雲

譏元載詩

上元間既平劉展租庸使元載以吳越雖兵荒後民產猶給乃召豪吏分

宰列邑重敏之時人謂之白著言其役敏無名所著者皆公然明白無所嫌避一云世人謂酒酣爲白著既爲刻薄之役不堪其弊則必顛沛酩酊如醉者之著也渤海高亭有詩云云

上元官吏務剝削江淮之人皆白著

賀遂涉

嘲趙謙光

唐省中諸郎中不自員外郎拜者謂品有似長征兵士便授邊遠果毅也時謙光自彭州司馬入爲大理正遷戶部郎中

員外由來美郎中望亦優寧知粉署裏翻作土山頭

趙謙光

答賀遂涉

時遂涉爲戶部員外謙光答此

錦帳隨情設金爐任意熏唯愁員外置不應列星文

孔顥

上浙東孟尚書

浙東孟簡尚書六銜按覆囚徒其間一人自曰魯人孔顥獻詩

啓云偶尋長街柳陰吟詠忽被虞候拘縲數日  
責以罪名敢露血誠伏請申雪孟公立以賓客  
待之批其狀曰薛陟不知典教豈辨賢良驅遣  
健徒憑陵國士殊無畏憚輒恣威權翻成刺許  
之賓何异吠堯之犬然以久施公  
効尚息杖刑退補散將外鎮收管

有箇將軍不得名唯教健卒喝書生尚書近日清如鏡  
天子官街不許行

呂溫

嘲柳州柳子厚

柳州柳刺史種柳柳江邊柳管依然在千秋柳拂天

嘲黔南觀察南卓

一云卓故人  
微呂溫作

終南南太守南郡在雲南間向南亭醉南風變俗談在

黔南大更風俗凡是溪塢呼  
吸文字皆同秦漢之音故云

張祜

戲簡朱壇詩

祜客於丹徒有朱壇者輕佻侮慢  
祜之篇詠後壇與祜卷欲其潤飾

之祜乃戲簡二十字欣  
而不悟厚爲餞別焉

昔人有玉盃擊之千里鳴今日覩斯文盃有當時聲

戲顏郎官騎獵詩

溫州顏郎中儒士也不知弧  
矢之能張祜觀其騎獵馬上

以詩  
戲之

忽聞射獵出軍城人著戎衣馬帶纓倒把角弓呈一箭  
滿山狐兔當頭行

朱沖和

嘲張祜

白在東都元已薨蘭臺鳳閣少人登冬瓜堰下逢張祜  
牛屎堆邊說我能

崔涯

嘲妓

涯久游維揚有詩名每題詩倡肆立時傳誦聲價因之增減無不畏之

雖得蘇方木猶貪玳瑁皮懷胎十箇月生下崑崙兒

布袍披襖火燒氈紙補箜篌麻接弦更著一雙皮屐子

紲梯紲榻出門前

嘲李端端

黃昏不語不知行鼻似煙窗耳似鐺獨把象牙梳插鬢

崑崙山上月初明

覓得黃驅駁繡鞍善和坊裏取端端揚州近日渾成差

一朶能行白牡丹

端得前詩憂之候涯使院飲回道傍再拜曰端端祇候幾郎伏望哀之

乃重贈此飾之於是豪富之士復臻其門或戲之曰李娘子纔出墨池便登雪嶺紅樓以爲笑樂

### 李宣古

詠崔雲娘

澧州宴酒紀崔雲娘貌瘦瘠每戲調舉罰衆賓兼恃歌聲自以爲郢人之

妙李宣古當筵  
一詠遂至箱口

何事最堪悲雲娘只首奇瘦拳拋令急長嘯出歌遲只

見怕

一作

肩侵鬢唯憂骨透皮不須當戶立頭上有鍾馗

只首兩

頭蛇也

杜牧

嘲妓

牧罷宣州幕經陝有酒紀妓肥  
碩牧贈此詩一作崔立言詩

盤古當時有遠孫尚令今日逞家門一車白土將泥項

十幅紅旗補破衲瓦官寺裏逢行跡

寺有大佛跡

華嶽山前

見掌痕不須惆悵憂難嫁待與將書問樂坤

盧肇

嘲游使君

夔州游使符邀客看花而不飲至今荆襄花下斟茶者吟此戲焉

白帝城頭二月時忍教清醒看花枝莫言世上無袁許

容子由來是相師

韋蟾

嘲李瑒題名

蟾爲左丞至長樂驛見李瑒  
給事題名走筆書其側云云

渭水泰山照眼明  
希仁何事寡詩情  
只因學得虞姬婿  
書字纔能記姓名

嚴震

聞鹿鳴互謳

震梓州鹽亭縣人所居枕釜戴山  
但有鹿鳴即嚴氏一人必歿一日

聞鹿鳴有申表在坐相謳云  
云不日嚴氏子一人果亡

釜戴山中鹿又鳴中表此際多應到表兄震表兄不是

嚴家子合是三兄與四兄中表

章孝標

及第後寄李紳

及第全勝十政官金鞍鍛了出長安馬頭漸入揚州郭  
爲報時人洗眼看

李紳

荅章孝標

假金只用真金鍍若是真金不鍍金十載長安得一第  
何須空腹用高心

楊汝士

戲柳棠

棠東川人才思優贍應進士舉擢第後參越雋軍事楊汝士鎮東川棠在席一

巨魚飲

之棠不即飲汝士以詩戲之

文章漫道能吞鳳杯酒何曾解喫魚今日梓州張社會  
應須遭這老尚書

柳棠

荅楊尚書

未向燕臺逢厚禮幸因社會接餘歡一魚喫了終無媿  
鯤化爲鵬也不難

又忤楊尚書詩

棠每於東川席上狂縱日甚以詩忤楊公云云公怒爲書讓其

座主高錯侍郎曰柳棠者兒悖囂傲識者惡之狡過仲容才非犬子膺門之貴豈宜有此生二公以書往返詰難棠不任其憂煩

靖安李相宗閔也楊之中外昆弟

莫言名位未相儕風月何曾阻獻酬前輩不須輕後輩

靖安今日在衡州

朱澤

嘲郭凝素

王軒嘗泊舟苧蘿山題浣紗石詩感  
西施見形與歡會蕭山郭凝素聞軒

之遇每過浣紗溪口日夕長吟屢題詩於石寂  
爾無人進士朱澤嘲之凝素內恥無復斯遊

三春桃李本無言苦被殘陽鳥雀喧借問東鄰效西子

何如郭素擬王軒

鄭光業

紀中表試案

光業中表間有同入試者時舉子  
率以白紙糊案子光業潛紀之云

云

新糊案子其白如銀入試出試千春萬春

鄭愚

醉題廣州使院

數年百姓受飢荒太守貪殘似虎狼今日海隅魚米賤

大須慙媿石榴黃

擬權龍褒體贈鄴縣李令及寄朝右

李令因之休官

鄴縣李長官橫琴膝上弄不聞有政聲但見手子動

鄭仁表

題滄浪峽榜

仁表經過滄浪峽憩於長亭驛  
吏堅進一板仁表走筆云云

分峽東西路正長行人名利火然湯路傍著板滄浪峽  
真是將閒攬撩忙

胡曾

戲妻族語不正

呼十却爲石喚鍼將作真忽然雲雨至總道是天因

李昌符

婢僕詩

咸通中進士李昌符有詩名久不登第常歲卷軸急於裝修因出一奇乃作婢

僕詩五十首於公卿間行之諸篇皆中  
婢僕之諱浹旬京城盛傳是年登第

春娘愛上酒家樓不怕歸遲總不憂推道那家娘子臥  
且留教住待梳頭

不論秋菊與春花箇箇能噇空腹茶無事莫教頻入庫  
一名閑物要些些

孫子多

嘲鄭修妓

鄭修出妓宴趙紳而舞者年老伶人孫子多獻口號云云

相公經文復經武常侍好今兼好古昔人曾聞阿武婆

今日親見阿婆舞

薛能

嘲趙璘

璘儀質瓊陋成名後爲  
壻能爲儕相爲詩嘲謔

巡關每傍摴蒲局望月還登乞巧樓第一莫教嬌太過  
緣人衣帶上人頭

不知原在鞍轎裏將謂空駄席帽歸

火爐牀上平身立便與夫人作鏡臺

口號

許帥薛能方貴時秦宗權爲之吏嘗坐法  
答背薛口唱云云乃命決後宗權起兵首

捕薛令舉前詩續  
之云云遂害能

素脊鳴秋杖烏韁響暮廳能刀飛三尺雪白日落文星  
宗權

皮日休

嘲歸仁紹龜詩

日休謁仁紹數往不得見因作詠龜詩云

硬骨殘形知幾秋屍骸終是不風流頑皮死後鑽須徧  
都爲平生不出頭

詠螃蟹呈浙西從事

未遊滄海早知名  
有骨還從肉上生  
莫道無心畏雷電  
海龍王處也橫行

鄭綮

題中書壁

綮為相同列以為忝竊每訕  
晦之乃題詩於中書壁云云

側坡蛆蠶蠻蟻子競來拖  
一朝白雨中無鈍無嘵囉

別廬州郡人

綮累官左司郎中家貧求郡爲廬  
州刺史黃巢掠淮南移檄請無犯

州境巢笑爲斂兵滿日有贏錢千緡寄州庫後  
他盜至終不犯鄭使君錢及揚行密爲刺史送  
還之綮將去有

別郡人詩云云

唯有兩行公解淚一時灑向渡頭風

徐彥若

戲答成汭

荆南成汭盜據諸宮尋即貢命宰相

徐彥若出鎮番禺路由諸宮汭以嶺  
外黃茅瘴患者髮落戲曰黃茅瘴望相公保

重徐答以此蓋譏汭嘗爲僧也汭終身恥之

南海黃茅瘴不死成和尚

崔立言

醉中謳浙江廉使

山夫留意向丹梯連帥邀來出藥畦常見浙東誇鏡水

鏡湖元在浙江西

韋鵬翼

戲題盱眙邵明府壁

豈肯閑尋竹徑行却嫌絲管好蛙聲自從煮鶴燒琴後  
背却青山臥月明

姚嶸

題大梁臨汴驛

近日侯門不重才莫將文藝擬爲媒相逢若要如膠漆

不是紅妝即撥灰

李日新

題仙娥驛

商山食店大悠悠陳鷄餡鑼古饑頭更有臺中牛肉炙  
尚盤數脔紫光球

柳逢

嘲染家

莆田縣有染家富因醉毆兄至高標十木既歸鄉親爲會有秀才柳逢旅遊

掇席主人不樂柳生怒而題

壁染人遂與東帛贖其詩

紫綠終朝染因何不識非莆田竹木貴背負十柴歸

黎瓘

贈漳州崔使君鄉飲醻韻詩

麻衣黎瓘者南海  
狂生也游於漳州

頻於席上喧酗鄉飲之日諸賓悉赴客司獨不  
召瓘瓘作醻韻詩贈崔使君坐中皆大笑崔使

君馳騎  
迎之

慣向溪邊折柳楊因循行客到州漳無端觸忤王衙押  
不得今朝看飲鄉

張保脩

示妓榜子

嶺南樂營子女席上戲賓客量情三木時保脩在幕府掌書記乃書榜子

示諸妓

云云

綠羅席下標三捧紅粉顛邊淚兩行又手向前咨大使  
這迴不敢惱兒郎

又留別同院

時謂張書記文彩縱橫比之何遜人材瓊偉有似明皇及罷府北歸

留詩戲諸同院  
聞者莫不大咍

憶昔當年富貴時如今頭腦尚依稀布袍破後思宮內  
錦袴穿時憶御衣鶻子背鑽高力士嬪娟翻畫太真妃

如今顰額離南海恰似當時幸蜀時

陸巖夢

桂州筵上贈胡予女

自道風流不可攀却堪感額更頹顏眼睛深却湘江水  
鼻孔高於華岳山舞態固難居掌上歌聲應不繞梁間  
孟陽死後欲千載猶在佳人覓往還

李都

戲荅朝士

都爲荆南從事時有朝士寓書書蹤甚惡李戲荅此

華緘千里到荆門。章草縱橫任意論。應笑鍾張虛用力。  
却教羲獻枉勞魂。惟堪愛惜爲珍寶。不敢傳留誤子孫。  
深荷故人相厚處。天行時氣許教吞。

荆人

嘲僧惟恭

荊州僧惟恭常事酒博暇則誦經祈生安養同寺靈歸跡頗類之荆人嘲

之云云後恭感西方七人來迎出蓮花放異光而逝歸亦悟改行爲高德云

靈歸作盡業惟恭繼其跡地獄千萬重莫厭排頭入

馮道幕客

題酒戶修孔廟狀

道鎮南陽郡中宣聖廟壞有酒戶十餘輩投狀乞修道未

及判有幕客題狀後云云  
道遽罷其請出己俸重修

槐影參差覆杏壇儒門子弟盡高官却教酒戶重修廟  
覓我慚惶也不難

李花開

孔廟口號

李相穀嘗爲陳州防禦謁夫子廟見像在破屋中歎息久之伶人李花開

趙進獻口號穀  
遽出俸修之

破落三間屋蕭條一旅人不知負何事生死厄於陳

馮暉

荅妻

暉與周太祖相善微時與太祖就一道士  
雕刺以脣作瓮中作雁數隻太祖項上作

雀及穀

戒曰爾曹自愛雀銜穀雁出瓮是爾曹

通顯時也

後太祖登位暉秉旄所刺皆驗先是

暉貧遇寒食妻詈曰節到

也如何辦得暉捫腹云云

休說辯不辯且看瓮裏飛出雁

李濤

題僧院

濤性滑稽布衣之時往來京洛間泥水  
闢有不動尊院中有僧不出院十餘載

每過必省之未幾寺焚僧散再過  
之但有門扉而已因題詩云云

走却坐禪客移將不動尊世間顛倒事八萬四千門

楊苧蘿

詠垂絲蜘蛛嘲雲辨僧

洛陽歌婦揚苧蘿聰慧  
有才思揚凝式甚憐之

時有講經僧雲辨在座忽擔前蜘蛛垂絲而下

正對苧蘿與僧前揚笑謂苧蘿試嘲得著師奉

絹五匹苧蘿應聲成辨體充肚大故云揚見詩  
絕倒大笑和尚將絹來辨慙且笑奉之如數

喫得肚嬰撐尋思繞寺行空中設羅網只待殺衆生

馮涓

自嘲絕句

涓蜀城折肱之際幾至殆  
浮投鬻米家活有絕句云

取水郎中何日了破柴員外幾時休早知蜀地區娵與

乃訓如此興也悔不長安大比丘即收足

大坐也

盧延讓

哭亡將詩

自是礮砂發非干駭石傷牒高身上職盜大背邊創

蔣貽恭

詠王給事

僞蜀給事王允光短小貽恭嘲之云  
云有刑院杖直官張進嘗誦之允光

以事奏寘極法

後見進索命死

厥父元非道郡奴冗光何事太侏儒可中與箇皮褪著  
擎得天王左脚無

詠金剛

揚眉斗目惡精神捏合將來恰似真剛被時流借拳勢  
不知身自是泥人

詠偃背子

出得門來背拄天同行難可與差肩若教倚向閒牕下  
恰似箜篌不著弦

詠安仁宰擣蒜

安仁縣令好誅求百姓脂膏滿面流半破磁缸成醋酒  
死牛腸肚作饅頭帳生歲取餐三頓鄉老盤庚犯五甌  
半醉半醒齊出縣共傷塗炭不勝愁

五門街望有題

我皇開國十餘年一輩超升炙手歡閒向五門樓下望  
衙官騎馬使衙官

謝郎中惠茶

三斤綠茗賜貽恭一種頌雪事不同想料腸懷無咎處  
披毛戴角謝郎中

詠蝦墓

坐臥兼行總一般向人努眼太無端欲知自己形骸小  
試就蹄涔照影看

住名山日陳情上府主高太保

名山主簿實堪愁難敵他家大骨頭米納功南錢納府  
祇看江面水東流

李貞白

詠刺蝟

行似鍼，  
動臥若栗球。  
圓莫欺如此大，  
誰敢便行拳。

謁貴公子不禮書格子屏風

道格何曾格，  
言糊又不糊。  
渾身總是眼，  
還解識人無。

詠月

當塗當塗見蕪湖，  
蕪湖見八月十五夜。  
一似沒柄扇。

詠狗蚤

與蟲都來不較多撮挑筋斗太嘍囉忽然管著一籃子  
有甚心情那你何

詠罌粟子

倒排雙陸子希插碧牙籌既似犧牛乳又如鈴馬兜鼓  
追井瀑箭直是有來由

詠蟹

建帥陳誨之子德誠罷管沿江水軍入掌禁衛頗患拘束方宴客貞白在坐食蟹德誠顧貞白曰請詠之

貞白云云衆客皆笑

蟬眼龜形脚似蜘蛛未曾正面向人趨如今釘在盤筵上

得似江湖亂走無

鄆城令

示女詩

陳瑄太師任西川有愛姬徐氏鄆城令之女也令欲求彭牧以紅絹數寸作二

十八字遣其妻私示

其女云云入皆鄙之

深宮富貴事風流莫忘生身老骨頭因與太師歡笑處

爲吾方便覓彭州

李令

寄女

諸宮有李令者本狡猾之徒也強爲篇章于謁時貴有歸評事任江陵縣院常懷卹

士之心令累求救貸皆允諾又云某欲尋親湖  
外輒假舍安家族歸君亦敏諾之李且乘舟而  
去不二旬其妻遣僕使告匱糧主人拯其乏  
絕李忽寄書於歸情況款密且异尋常書中有  
贈家室等詩一首意欲組織歸君歸快恨  
不能明與率武陵渠江之務以糊其口焉

有人教我向衡陽一度思歸欲斷腸爲報豔妻兼少女  
與吾覓取朗州場

太守

失其姓名

諷劉炎索賄詩

貪聲太守行邑有覬覦意既行以詩諷之云云

未到桃源時長憶出家景及到桃源了還似鑑中影

劉炎

被按自悔詩

炎不悟太守意空以詩和後因民訴按以法炎爲詩云云

早知太守如狼虎獵取膏梁以啗之

御定全唐詩卷八百七十

欽定四庫全書  
欽定全唐詩

集部

御定全唐詩卷八百七十一

甘洽

與王仙客互嘲

二人相友善以姓相嘲

王計爾應姓田爲你面撥獺抽却你兩邊

洽甘計爾應

姓丹爲你頭不曲迴脚向上安

仙客

閻敬愛

題濠州高塘館

敬愛爲御史過宿處

借問襄王安在哉  
山川此地勝陽臺  
今宵寓宿高塘館  
神女何曾入夢來

李和風

題敬愛詩後

初間爲高塘館詩輶軒往來莫不吟諷以爲警絕自和風題後人更

頤解

高唐不是這高塘淮畔荆南各異方  
若向此中求薦枕參差笑殺楚襄王

歸氏子

荅日休皮字詩

時仁紹諸子修係伺日休復至乃於刺字皮姓之下題詩授之

八片尖裁浪作球  
火中燭了水中揉  
一包閒氣如長在  
惹踢招拳卒未休

張魯封

謳池毫二州賓佐兼寄宣武軍掌書記李晝

池州

杜少府造亳州韋中丞仕符二君皆以長年精求釋道樂營子女厚給衣糧任其外住若有宴飲方一召來柳際花間任爲娛樂謳中舉子張魯封爲詩謳其賓佐兼寄李詩

杜叟學仙輕蕙質韋公事佛畏青娥樂營却是閒人管

兩地風情日漸多

李晝

戲酬張魯封

秋浦亞卿顏叔子  
譙都中憲老桑門  
如今柳巷通車馬  
唯恐他時立棘垣

楊鸞

即事

白日蒼蠅滿鉢盤  
夜間蚊子又成團  
每到更深人靜後

定來頭上巔楊鸞

座客

嘲周顥

顥一作顓  
顥與學不中第旅浙西從事遊飲昧於章程座中皆戲之有贈詩

云云

龍津掉尾十年勞聲價當時鬪月高惟有紅妝回舞手似持霜刃向猿猱

周顥

和座客

十載文場敢憚勞宋都回鶻爲風高今朝甘被花枝笑  
任道尊前愛縛猱

張鷺

荅或人

司門員外張鷺工能諧時大將軍黑齒常之將出征或人勉之曰公官卑何不

從行鷺荅

之云

寧可且將朱脣飲酒誰能逐你黑齒常之

施肩吾

嘲崔嘏

肩吾與嘏元和十五年同第嘏舊失一目以珠代之施嘲之云云

二十九人及第五十七眼看花

蘇芸

嶺南詩句

嶺表多假吏里巷目爲使君而貧窶徒行者甚衆元和中進士蘇芸南北

淹游嘗有

詩云云

郭裏多榕樹街中足使君

包賀

詣詩逸句

霧是山巾子船爲水鞞鞋

櫂搖船掠鬢風動水槌胷

苦竹筍抽青槭子石榴樹挂小餅兒

蔡押衙

題洞庭湖

洞庭湖詩許棠題後無繼者詩僧齊已駐錫巴陵欲吟一詩竟未得意有

都押衙蔡姓者戲謂己公曰題洞庭者某詩絕矣諸人幸勿措詞己公堅請之押衙抑揚朗吟

云

可憐洞庭湖恰到三冬無髭鬚

湘江北流至岳陽達蜀江夏潦後蜀江漲勢高

過住湘波讓而退溢爲洞庭湖闊數百里秋水歸壑湖底漸出唯一條湘川而已此言其不成湖也

溫庭筠

戲令狐相

令狐絢爲相以姓氏少族人有投者不恠其力由是遠近皆趨之至有姓

胡冒令者故庭

筠戲之云云

自從元老登庸後天下諸胡悉帶鈴

顧雲

與羅隱互謔

隱與雲同謁淮南相公高駢高以雲爲人雅律遂留雲而遠隱隱欲

歸武陵與賓幕酌餚於郵亭盛暑青蠅入坐高公命扇驅之雲即以謔隱隱顧見白澤圖釘在門扇應聲答之乃以譏

雲之獨留不能去也

青蠅被扇扇離席

雲

白澤遭釘釘在門

隱

孫光憲

引自落便宜句

窗下有時留客宿  
室中無事伴僧眠

商則

朝廩丘令丞

商則任廩丘尉性廉縣令丞多貪  
因宴會舞令丞皆動手尉則回身

而已令問其故則曰長官動手贊府亦動手  
惟有一箇更動手百姓何容活耶人皆大笑

令丞俱動手縣尉止回身

羅穎

題漢祖廟

穎南昌人應舉下第道經漢祖廟題此少頃輒自免冠鞠伏廟庭口陳自

咎之言拔而

去數日卒

項羽英雄猶不懼

一作漫侮羣豪誇大度

可憐容得辟陽侯

陳嶠

自賦催妝詩

嶠暮年僅獲一名還閩近八十以身後無依強娶儒家女合巹之夕

文士悉賦催妝詩咸有生夷之諷嶠亦自成一章其末云

彭祖尚聞年八百陳郎猶是小孩兒

何承裕

戲爲舉子對句

承裕曲江人天福末舉進士有逸才而善謔知商州一舉人投

卷有日暮猿啼旅思懷之句遽曰足下此句甚佳但上句對屬未稱奉爲改之因云云舉人大慙而去

曉來犬吠張三婦日暮猿啼呂四妻

李濤

答弟婦歇後語

濤弟澣娶竇尚書女年甲巳高  
出參濤望塵下拜曰只將謂親

家母又作歇後語云  
云間者莫不絕倒

慙無實建媿作梁山

程紫霄

與釋惠江互謔

左街僧錄惠江威儀程紫霄俱辨捷每相嘲謔

僧錄琵琶腿

程江素充肥故云

先生觱栗頭

江

僧法軌

與李榮互謔

法軌形容短小開講時李榮與論議往復數番軌有舊作詩詠榮於

高座上誦之未及得道下句榮應聲接云云四座伏其辨捷

姓李應須禮言榮又不榮

法軌

身長三尺半頭毛猶未

生 李榮

御定全唐詩卷八百七十一



總校官庶吉士臣張能照

校對官中書臣張頃

左

詢

臣

欽定四庫全書叢要

集部

御定全唐詩卷八百七十五

二至

詳校官原任事臣李斯咏

欽定四庫全書

欽定四庫全書  
欽定全唐詩要卷一萬八千二百七十七

集部

御定全唐詩卷八百七十二

無名氏

廣州三樵歌

曲江令朱隨侯張鷺目爲臘亂土  
梟女夫李逖遊客爾朱九竝姿相

少媚廣州人號爲

三樵人歌之云云

奉敕追三樵隨侯傍道走回頭語李郎喚取爾朱九  
三御史詠

元福慶拜右臺監察與韋虛名任正  
名頗事軒昂殿中監察評之詠曰

韋子凝而密任生直且狂可憐元福慶也學坐凝牀

臺中裏行詠

開元中置裏行無員數或有御史  
裏行侍御史裏行殿中裏行監察

裏行以未爲正官臺中詠之云

云任端即侍御史任正名也

柱下雖爲史臺中未是官何時聞必也早晚見任端

譏襄休

休性慕禪林兒女多名師女僧兒李德  
裕性好玄門修彭祖房中之術時人譏

之

趙氏兒皆尼氏女師翁兒即晉公兒却教術士難推算  
胎月分張與阿誰

嘲四相

宣宗時曹確楊收  
徐商士巖同秉政

確確無餘事錢財總被收商人都不管貨賂幾時休

放榜詩

太和八年放榜  
進士多貧士

乞兒還有大通年三十三人椀杖全薛庶準前騎瘦馬

范鄆依舊蓋番籜

改魏扶詩

大中初魏扶知禮闈入貢院題詩云梧桐葉落滿庭陰鎖閉朱門試院深

曾是昔年辛苦地不將今日負前心及榜出無名子削爲五言詩以譏之

葉落滿庭陰朱門試院深昔年辛苦地今日負前心

嘲舉子騎驢

咸通中以進士車服僭差不許乘馬時場中不減千人雖勢可熱手

亦皆騎驢或

嘲之云云

今年敕下畫騎驢短軸長鞚

一作紫  
軸絰璫

滿九衢清瘦兒郎

猶自可就中愁殺鄭昌圖

昌圖魁偉甚  
故有此句

嘲崔垂休

眉字垂休變化年惑妓人王小潤費  
甚廣嘗題記於小潤髀上爲烏山所

見贈詩云云烏山名

就字袞求失其姓

慈恩墻下親泥壁滑膩光華玉不如何事博陵崔四十  
金陵腿上逞歐書

嘲主司崔澹

主試以至仁伐不仁爲賦題  
時黃巢方熾無名子嘲之

主司何事厭吾王解把黃巢比武王

朝士戲任轂

轂有經學居懷谷望徵命而蒲輪不至自入京師訪問知己有朝士

戲贈詩云云後至補袞

雲林應訝鶴書遲自入京來探事宜從此見山須合眼  
被山相賺已多時

題房魯題名後

敬愛寺山亭院畫有雉尾若真砂子上有進士房魯題名處後人題

詩云云

姚家新婿是房郎未解芳顏意欲狂見說正調穿羽箭

# 莫教射破寺家牆

洛陽人嘲跋異

劉道醇五代名畫記云異汎陽人善畫佛像

梁龍德中洛陽廣

愛寺僧邀之畫三門兩壁時有張將軍圖尤善  
丹青異方用朽圖長揖而進搦筆倏忽而成右  
堵異觀跡驚讓聽其成

之洛陽人因爲謠嘲異

赫赫洛下唯說異畫張氏出頭跋異無價

又嘲

後福先寺請異畫大殿護法善神有滑臺人李羅漢來與角畫異恐如張圖讓西壁

與之自竭思成一神像平生所未能見之愧甚自縊死時人復嘲之云云

李生來跋君怕不意今日却增價不畫羅漢畫駝馬

蜀選人嘲韓昭

蜀王行時韓昭爲吏部侍郎受賂徇私選人詣鼓院訴之并有

此嘲行召問昭昭曰此皆太后太

妃國舅之親非臣之親行默然

嘉肴邛蜀侍郎骨肉導江青城侍郎情親果闌二州侍

郎自留巴蓬集壁侍郎不識

嘲傴僂人

有人患腰曲傴僂常低頭而行傍人詠之

拄杖欲似乃播笏還似及逆風盪雨行面乾項額溼著衣牀上坐肚緩脊皮急城門爾許高故自匍匐入

曲中唱語

張公喫酒李公顛盛六生兒鄭九憐舍下雄雞傷一德

南頭小鳳納三千

南曲張住住少與鄰兒龐佛奴訂結髮之約及笄里南陳小鳳權聘求其

元住住先期梯就佛奴以遂平生後令佛奴髡雞冠取丹物誑小鳳小鳳得之獻三緡於張氏時北曲有王小福者鄭九郎主之而私於曲中盛六子及誕一子鄭撫之甚厚曲中因有此唱

改唱

張公喫酒李公顛盛六生兒鄭九憐舍下雄雞失一足

街頭小福拉三拳

小鳳微聞前唱疑之是日佛奴家雄雞偶被鬪傷足疑街頭田小福所傷

遂毆之住住素有口聞之向小鳳曰街頭以此事唱舍下雄雞失一足街頭小福拉三拳且雄雞失德是何謂

也故噪弄小鳳小鳳  
甚不自足然亦不喻

街中又唱

住住以前言告佛奴佛奴因以生絲  
纏雞足置街中召羣小兒依住住言  
共慶其唱小鳳出街中見雞跛又聞改唱深恨  
向來誤聽復之張舍歡宴至旦將歸街中又唱  
云云小鳳聞此唱遂不復詣

莫將龐大作跋

錦葵花  
也音翹

團龐大皮中的不乾不怕鳳皇

當額打更將雞脚用筋纏

吹火詩

有覩鄰人夫婦相和諧者夫自外歸見  
婦吹火贈詩其妻亦候夫歸告之曰君

豈不能學也

夫曰彼詩何語乃謗之夫曰君

當吹火爲別製之妻效吹夫亦效之爲詩焉

吹火朱脣動添薪玉腕斜遙看煙裏面大似霧中花

鄰人

吹火青脣動添薪黑腕斜遙看烟裏面恰似鳩盤茶

作效

劉黑闥解嘲人語

劉黑闥據相洛日嘗訪得解嘲人有水惡鳥飛過令嘲之

又令嘲駱駝大恍賜絹五十匹此人置左膊負出未至門倒臥不起黑闥令問何意答云爲是偏擔更命五十屯

縣置右膊將去

水惡頭如鎌杓尾如鑿河裏搦魚無僻錯

嘲水惡鳥

駱駝項曲綠蹄被他負物多

嘲駝

村人學解嘲人語

前人受賜出村路逢一人問何處得此縣絹具說之大喜

而歸語其婦我朝日定得縣絹及曉詣黑闥門  
言極善解嘲黑闥引入有獮猴在庭令嘲之即  
云獮猴頭如鎌杓尾如鑿河裏搗魚無僻錯黑  
闥已怪猶未之責又一鳩飛度復令嘲之又云  
老鳩項曲綠蹄被他負物多於是大怒令割一  
耳走出至庭又即倒地令問之曰偏擔復令割  
一耳還家婦迎問

縣絹何在答曰

# 縣絹割兩耳只有面

嘲劉師老

貞元中韋渠牟爲大府卿與金吾李齊運皆承恩寵薦人多得名位時劉

師老楊寢皆應科目渠牟主穆寂齊運主師老會齊運朝對上嗟其羸弱許以致仕而師老失據無名子嘲之云云劉

禹錫曰名場職儉如此

大府朝天升穆老尚書倒地落劉郎

嘲鄭薰

薰主文

舉人中有顏標者誤謂魯公之後時徐方未寧志在激忠烈即以標

爲狀元及謝恩日從容問及廟院標曰標寒進也未嘗有廟院薰始大悟塞默而已無名子嘲

之云

主司頭腦大冬烘錯認顏標作魯公

嘲蔣蟠金丹

光啓中蔣蟠以丹砂授韋中令時吳人張鵠有文而貧或爲嘲語云

云

張鵠只消千駄絹蔣蟠惟用一丸丹

注苗張二進士題名

苗台符六歲能屬文十六及第張讀亦幼擅詞賦十

八及第同年進士又同佐鄭董宣州幕二人常列題於西明寺東廊或竊注之云云台符十七不祿讀位至

禮部侍郎

一雙前進士兩箇阿狹兒

袁州人謔彭伉

彭伉湛貢俱袁州人伉妻湛姨

也伉舉進士及第湛猶爲縣吏妻族爲伉置賀宴伉居席之右一坐盡傾湛至命飯於後閣其妻忿然責之湛感其言致致學業未數載登第時伉方跨驢縱遊郊郭忽有家僮馳報湛郎及第伉失聲而墮袁人謔之云云

湛貢及第彭伉落驥

洛中人語

汝南袁德師故給事高之子嘗於東都買得婁師德園地起書樓洛人

日語

昔婁師德園今袁德師樓

嘲毛炳彭會

豐城毛炳好學不能自給入廬山與諸生曲講獲鑑即以市酒盡醉

時彭會好茶而炳好酒或嘲之云云

彭生作賦茶三片毛氏傳詩酒半升

右威衛嘲語

祕書省之東即右威衛荒穢摧毀其大廳逼校正院南對御史臺人

嘲之

門緣御史塞廳被校書侵

南唐伶人獻先主詞

李先主以國用不足稅民間鵝卵出雙子者柳花爲

絮者伶人

獻詞云云

惟願普天多瑞慶柳條結絮鵝雙生

閩伶官戲王延政語

王延政據建州僭號大殷皇帝後爲南唐所俘

只聞有泗州和尚不見有五縣天子

南唐伶人李家明亦嘗謔之云大殷

平天冠今已無用告乞爲優服

言志

有客相從各言所志或願爲揚州刺史或願多資財或願騎鶴上升其一人云云欲

兼三  
者

腰纏十萬貫騎鶴上揚州

御定全唐詩卷八百七十二

欽定四庫全書  
欽定全唐詩卷八百七十八

集部

御定全唐詩卷八百七十三

李兼

題洛陽縣壁

李果遷洛陽令民吏畏服時有李兼夜聞衢中有人語曰李令正人

此中不可久居啓門視之寂無影響方知其妖兼遂書其壁云云

猾吏畏服縣妖破膽好錄政聲聞於御覽

杜兼

題書卷後語

兼字處弘洹水人貞元元和間歷濱蘇二州刺史終河南尹性豪侈

家聚書萬卷每卷

後必自題云云

倩一作清 奉寫來手自校汝曹讀之知聖道墜之鬻之爲

不孝

舒元輿

題李陽冰玉箸篆詞

斯去千年冰生唐時冰復去矣後來者誰後千年有人  
誰能待之後千年無人篆止於斯嗚呼主人爲吾寶之

附柳公權筆偈云圓如鑑  
鑑如鑑不得出只得却

襄謂

判誤書紙背

謂素好詼諺爲河南尹有投牒誤書紙背者判云云

這畔似那畔那畔似這畔我也不辭與你判笑殺門前

著韓漢

又判爭貓兒狀

有婦人同投狀爭貓兒狀云若是兒貓兒即是兒貓兒若不是兒貓兒即不是兒貓兒請大笑判其

狀云云遂納其貓兒爭者亦止焉

貓兒不識主傍家掘老鼠兩家不須爭將來與襄謂

李翹

斷僧通狀

上歲童子二十受戒君王不朝父母不拜口稱貧道有  
錢放債量決十下牒出東界

韓滉

判僧雲晏五人聚賭喧諍語

正法何曾執貝空門不積餘財白日既能賭博通宵必  
醉尊罍強說天堂難到又言地獄長開竝付江神收管  
波中便是泉臺

皇甫大夫

判道士黃山隱

山隱以道服謁大夫向竹而吟云古者有七賢六箇今何在意

氣甚傲大夫試以錢絹投之改懦服陳謝甚卑因判而刑之

道士黃山隱輕人復重財太山將比覲東海只容杯緣  
綬藏雲帔烏巾換鹿胎黃泉六箇鬼今夜待君來

羅紹威

碾驢鞍判

紹威俊邁有詞學尤好戲判有人向官街中鞴驢置鞍於地爲駕牛車者

碾破相毆判

其狀云云

鄴城大道甚寬何故駕車碾鞍領鞴驢漢子科決待駕

車漢子喜歡

蕭結

批州符

結廬陵人五代時爲祁陽縣令性不畏強禦方暮春時有州符下取競渡船刺

史將臨觀結怒批其符云云守爲止

秧開五葉蠶長三眠人皆忙迫划甚閒船

末句一作詎任渡船

王魯

判部民訴主簿牒

魯爲當塗宰頗以資產爲務會部民連狀訴主簿貪賂魯

判云云爲好

事者口實

汝雖打草吾已驚蛇

伶人

戲爲冥吏判

張崇帥廬州索錢無厭嘗因燕次一伶人假爲死者被謫作水族冥

司判云云

崇大慙

焦湖百里一任作獺

張翹

自狀

乾寧中翹游徐宿時宿州刺史陳璠以軍旅出身擅行威斷翹恃才傲物席上調其

寵妓張小泰怒付吏責其無禮翹狀云云璠益  
怒云據此合喫幾下翹又云只此兩句合喫三  
下五下切求一笑宜費  
千金萬金竟鞭背而卒

有張翹兮寓止淮陰來綺席兮放恣胥襟

趙武建

刺左右脣詩

唐中葉長安惡少年多以詩句鐫  
涅肌膚夸詭力剽效坊間遠近效

之成習其他更有取名賢詩中意細刺樹木人  
物至有周身用白樂天詩意刺涅人呼爲白舍

人行詩圖者  
名爲劄青云

野鴨灘頭宿朝朝被鶲捎忽驚飛入水留命到今朝

宋元素

刺左臂膊詩

昔日已前家未貧苦將錢物結交親如今失路尋知己  
行盡闊山無一人

張幹

刺左右膊句

生不怕京兆尹左死不畏閻羅王右

御定全唐詩卷八百七十三

欽定四庫全書  
御定全唐詩卷八百七十九

集部

御定全唐詩卷八百七十四

康州人歌

武德初顏遊秦為康州刺史時承劉黑闥初平之後風俗未安遊秦撫恤之化大行邑里歌之

高祖賜璽書勉勞

康州顏有道性行同莊老愛民如赤子不殺非時草

滄州百姓歌

貞觀中薛大尹為滄州刺史州界有無棣河隋末填廢大尹奏開之

引魚鹽於海百姓歌之云

新河得通舟楫利直達滄海魚鹽至昔日徒行今騁駟

# 美哉薛公德滂被

薛將軍歌

薛仁貴擊九姓突厥於天山賊遣驍健逆戰仁貴發三矢射殺三人自餘

一時下馬請降大捷而還軍中歌

云云於是九姓衰弱不復為患

# 將軍三箭定天山戰士長歌入漢關

郢州人歌

永徵中田仁會為郢州刺史有善政屬旱自暴得雨其年大稔人歌之

父母育我田使君精神為人上天聞田中致雨山出雲  
但願常在不患貧一作父母育我兮田使君挺精誠兮  
上天聞中田致雨兮山出雲倉廩實

兮禮義申願君  
常在兮不患貧

雒縣輿人誦

雒縣令張知古為令綏亡固存蠲  
虐去暴與百姓更始輿人斐然為

作誦  
云云

我有聖帝撫令君遭暴昏豫惄寡紛民戶流散日月曛  
君去來兮惠我仁百姓蘇矣見陽春

黃塵歌

如意年已來始唱黃塵歌俄而契丹反  
叛繼管曹仁師張玄遇麻仁節王孝傑

前後百萬衆敗於破

石黃塵谷岡有子遺

黃塵黃塵草裏藏彎弓射爾傷

桑條歌

永徽以後人唱桑條歌神龍年中韋后臨朝  
鄭愔作桑條歌樂詞十餘首進之逆帝大喜

桑條韋也女時韋也樂

一作桑條韋也

韋

景龍中嘲宰相歌

景龍中洛下霖雨百餘日宰相不能調陰陽乃閑坊市北

門辛無效霧溢

更甚人歌云云

禮賢不解開東閣燮理惟能閉北門

選人歌

姜晦為吏部侍郎眼不識字手不解書溫掌銓衡曾無分別選人歌云云

今年選數恰相當都由座主無文章案後一腔凍豬肉  
所以名為姜侍郎

魯城民歌

姜師度好奇詭為滄州刺史開河築堰州門拂魯城界內種稻置屯蟹

食穂盡又差夫打

蟹民苦之歌曰

魯地抑種稻一槩被水沫年年索蟹夫百姓不可活

王法曹歌

王熊為澤州都督府法曹斷略糧賊惟各決杖一百通判熊曰總略幾人

法曹曰略七人合決七百法曹曲斷府司科罪時人哂之前尹正義為都督公平後熊來替百

姓歌云

前得尹佛子後得王癩獵判事驢駁瓜喚人牛嚼沫

一作

鐵見錢滿面喜無鏟從頭喝常逢餓夜又百姓不可活

得体歌

天寶初韋堅為陝郡太守水陸轉運使於長安城東澆水傍穿廣運潭以通吳

會數十郡舟楫若廣陵郡船即堆積廣陵所出  
錦鏡銅器餘郡皆然舟人大笠寬衫芒屨如吳  
楚之製先是民間戲唱得体歌至開元末因  
古闋令尹喜宅遣中使求得之以為殊祥改縣  
為靈寶及鑿新潭成又政揚州銅器陝縣尉  
崔成甫乃翻其詞為得寶歌集兩縣官伎女子  
唱之成甫又作歌詞十章自衣缺胯綠衫錦半臂  
偏袒膊紅抹額於第一船作號頭唱之和者女  
子百人皆鮮服靚妝齊聲接影鼓笛胡音以應  
之明皇臨觀大悅下詔褒賞

得

丁紇  
反

體

都董紇那也紇囊得體那潭裏船車鬧揚州

銅器多三郎當殿坐聽唱得體歌

得寶歌

開元末弘農古函谷關得寶符因改元為天寶其符白石赤文正成桑字解者

云桑者四十八以示御歷之數及帝幸蜀之來歲正四十八年得寶之時天下歌之云云

得寶耶弘農耶弘農耶得寶耶

崔成甫謡得寶歌

得寶弘農野弘農得寶耶潭裏船車鬧揚州銅器多三郎當殿坐聽唱得寶歌

袁仁敬歌

開元二十一年大理卿袁仁敬暴卒繫囚聞之皆慟哭悲歌云云

天不恤冤人兮何奪我慈親兮有理無申兮痛哉安訴

陳兮

京兆二尹歌

李仲通天寶末為京兆尹弟叔明乾元中復為京兆長安歌云云

前尹赫赫具瞻允若後尹熙熙具瞻允斯

黃州左公歌

乾元二年贊善大夫左震出為黃州刺史黃人歌云

我欲逃鄉里我欲去墳墓左公今既來誰忍棄之去

又歌

肅宗嘗遣女巫分行天下祭名山大川祈福巫所至因緣為姦至黃州震斬巫閭其

賦籍奏馬

吾鄉有鬼巫惑人人不知天子正尊信左公能殺之

舒州人歌

寶應中榮陽鄭毅守舒州  
蝗蟲不入界人歌之云云

鄰邑谷不登我土豐粢盛禾稼美如雲實繫我使君

建州人歌

陸長源建中初為建州刺史有惠政百姓歌美之云

令我州郡泰令我戶口裕令我活計大陸員外

令我家不分令我馬成羣令我稻滿囷陸使君

吳人歌

滕遂貞元末登科歷大理評事  
長洲令攝吳縣時人歌之云

朝判長洲暮判吳道不捨遺人不孤

汴州人歌

宣武節度董晉薨  
汴州人歌之云云

濁流洋洋有闢其郛闡道嗟呼公來之初令公之歸公

在喪車

公旣來止東人以完令公歿矣人誰與安

建昌民歌

何易于會昌中攝令  
有惠政民歌之云

我有父何易于昔無儲今有餘

巴州薛刺史歌

日出而耕日入而歸吏不到門夜不掩扉有孩有童願  
以名垂何以字之薛孫薛兒

高苑令歌

高苑令劉敬和先為鄧淄二縣令後在高苑歲饑擅發倉施振民得全活

云歌之云

高苑之樹枯已榮淄川之水渾已澄鄒邑之民仆已行

九龍帳歌

閩王鏕以婢金鳳為后嬖吏歸守明通之鑄嘗命工作九龍帳國人歌云

誰謂九龍帳惟貯一歸郎

偽蜀鴛鴦樹歌

蜀王孟昶說宮婢春燕末年與遭殺竝命合葬墓上有

樹生異花似鴛鴦交頸人名曰鴛鴦樹有歌云云

願作墳上鴛鴦來作雙飛去作雙歸

曲江遊人歌

曲江貴家遊賞剪百花裝成師子  
繫小連環以蜀錦流蘇車之互相

送遺送時  
唱歌云云

春光且莫去留與醉人看

蜥蜴求雨歌

唐時求雨法以土實巨甕作木  
蜥蜴小童掭青竹衣青衣以舞

歌云

蜥蜴蜥蜴興雲吐霧雨若滂沱放汝歸去

輓歌

紅輪決定沈西去未委魂靈徃那方

御定金唐詩

御定全唐詩卷八百七十四

欽定四庫全書  
欽定全唐詩卷八百七十五

集部

唐受命讖

御定全唐詩卷八百七十五

法律存道德在白旗天子出東海

太原童謡  
居注云隋主恒服白衣

衣幸江都擬於東海以應之

後高祖起事

衆請法周武執白旗帝兼絳雜半續之馬

桃李子莫浪語黃鸝繞山飛宛轉花園裏

桃李子歌  
下三首同

桃花園宛轉屬旌幡

起居注云李為國姓桃若言陶唐也帝起兵旗幡赤白相映若花園

帝每顧旗幡笑而言曰花園可爾不知黃鸝如何吾當一舉千里以符冥識

桃李子鴻鵠繞陽山宛轉花林裏莫浪語誰道許

隋行志五

載此以莫浪語為李密誰道許為字文化及國號

桃李子洪水繞楊山

唐五行志云高祖諱淵洪水也

江南楊柳樹江北李花榮楊柳飛絲何處去李花結果

自然成

李花謠

勸進疏引讖

創業起居注義寧二年文武將佐襄寂等上疏隋祖勸進寂又依東

漢赤伏符故事奏神人慧化足衛元嵩等歌謠詩讖遂擇日正大位

東海十八子八井喚三軍手持雙白雀頭上戴紫雲

丁丑語甲子深藏八堂裏何意坐堂裏中央有天子

西北天火照龍山昭童子赤光連北斗童子木上懸白

幡胡兵紛紛滿前後拍手唱堂堂驅羊向南走

胡兵未濟漢不整治中都護有八井

興伍伍仁義行武得九九得聲名童子木底百丈水東  
家井裏五色星我語不可信問取衛先生

戌亥君臣亂子丑破城隍寅卯如欲定龍蛇伏四方十八成男子洪水主力傍市朝義歸政人寧俱不荒人言

有恒性也復道非常為君好思量何

禹湯桃源花

李樹起堂堂只看寅卯歲深水沒黃楊

李花謠  
缺四字

符鳳引讖

武廷秀尚安樂公主恃恩放縱有不  
臣之心公主府倉曹符鳳引讖云

云說之曰今天下猶以武氏為念駙馬即神皇  
之孫大周可再興每勸令著阜祿子以應之

黑衣神孫披天裳

安祿山古讖

劉賓客佳話寶誌詩有此兩角女  
子安字綠即祿也太行山也一止

正月也逆胡見弑於其子  
果以至德二載之正月

兩角女子綠衣裳端坐太行邀君王一止之月必消亡

普滿題潞州佛舍

大歷中澤潞僧普滿不拘僧相  
言事往往有驗建中初題此

人莫能知其解及賊泚稱兵方悟此水者泚字  
涇水者自涇州兵亂也雙珠者泚與滔青牛者  
興元二年乙丑歲乙未青丑牛也明年改元貞  
元歲在丙寅丙火赤寅虎也至是賊已平故云  
云

此水連涇水雙珠血滿川青牛將一作逐

赤虎還一作號

太平年

南省北街人吟

監察御史李顧言貞元末應舉  
歲暮謁南省訪知己見省北街

中有一人挈小囊以烏紗蒙首北去徐吟詩云  
云策馬逼之失其人所在明年京師自冬雨雪

甚畿內不穩停舉又明春德宗晏駕果三  
月下旬放進士榜顧言至元和元年及第

# 放榜只應三月暮登科又校一年遲

## 盧求榜讖

求李翹子婿有一道人詣翹言事甚  
異求赴舉翹訪於道人手疏授翹曰

今秋有主司開此卷尋報揚嗣復主文即開卷  
詞云云其年襄求為狀元黃駕居榜末次則盧

求又李求凡三求  
而李姓則六人也

# 襄頭黃尾三求六李

## 清僧示趙宗儒

清僧居興元鵠鳴驛巴山之隈有  
言未嘗不中宗儒節制興元日

訪之作兩句詩云云求其解曰害風阿  
師取次語明年果除鄭餘慶代其位

梨花發後杏花初甸邑南來慶有餘

又示段文昌

文昌客遊成都韋南康與奏釋褐為賓從歸闕至鵠鳴驛清公謂文

昌云云至京屢擢至宰相後拜齡南節度西至鵠鳴僧已物故而杏花方盛

去日旣逢梅蕊綻來時應見杏花開

洛城五鳳樓中歌

咸通四年洛中大水飄溺尤甚先是皇城守閣者白晝聞五

鳳樓中有人歌云云時鄭相國涯留守洛師謂閣者爲妖妄經月餘有遺燭燼天津橋者燒其半未幾水災魏王與月波二提俱衰乃明閣者之言

天津橋畔火光起魏王堤上看洪水

延和閣詩

高駢末年感於神仙之術起延和閣  
綺窓繡戶殆非人工每旦焚名香祈王母之降  
及畢師鐸亂人有登之者於藻井垂蓮之上見

二十八

字云

延和高閣上千雲小語猶疑太乙聞燒盡降真無一事  
開門迎得畢將軍

唐舊識

唐舊有此識語董昌每引之以為我卯生來年歲在卯二月二日亦卯萬世之業

在於此因於乾寧二年二月二日僧袞冕即偽位改號羅平國以迄誅滅

子上金床

# 越中狂生題旗亭

初董昌未敗前有狂生於越中旗亭題詩四句人不曉其

詞及昌敗方悞草重董字日日昌字素城者越城隋越公楊素所築也諸侯者猴乃錢鏐申生屬也白免昌卯生屬也夏

滿六月也鏡湖者越中也

日日草重生悠悠傍素城諸侯逐兔白夏滿鏡湖平

# 清泰三年歌

先是甲子歌有此後清泰三年丙申大軍於太原南五樓村前大戰

至九月晉祖勾契丹至於城下王師敗績至十一月戎王遣蕃軍送晉祖洛陽即胡虜亂中原

之應

丙申年數在五樓前但看八九月胡虜亂中原

# 蜀王氏識文

王建妻弟眉州刺史周德權值梁  
祖纂唐引識文上表勸進云李祐

西王言唐後王氏與西方也土德坤維也允興  
亦西方也丹者朱也丹莫當亦朱梁不敢抗也

建大悅遂即位  
德權累中書令

# 李祐西王逢吉昌土德允興丹莫當

## 黃萬祐題蜀宮壁

萬祐修道黔南無人之境累  
世常在每三十年一出成

都賣藥言人災禍無不神驗蜀王建迎入宮盡  
禮事之後堅辭歸山初萬祐辭建歸於所居

壁間題此後至乙亥年建師東取秦鳳諸州報  
捷之際宮內延火乃知乙亥是青豬為焚

之期也後三年歲在戊寅寅為鷺獸干與納音  
俱為土土黃色故云鷺獸兩頭黃是年建祖云

天下哭不  
差毫髮

莫交牽動青豬足動即炎炎不可撲驚獸不欲兩頭黃  
黃即其年天下哭

孟蜀勾者語

孟知祥僭號未幾而殂先是有勾

者自號醋頭手攜一燈檠所至卓

之云云至是人以為應

不得登登便倒

孟蜀桃符詩

辛夤遜仕偽蜀孟昶為學士王師將至討之前歲除昶令作詩兩句

寫桃符上黃遜題云云明年蜀士呂餘慶以參知政事知益州長春乃太祖誕聖節名也

新年納餘慶嘉節號長春

上藍和尚晉漢二代識

洪州上藍院和尚失其名精於術數自唐末著

識云云石榴晉漢姓也重言之明享祚俱不過二世也

石榴花發石榴開

又遺鍾傳偈

和尚在洪州甚為鍾傳敬禮疾篤傳省之求一言相付和尚起索筆

作偈以授其末云云明年春淮帥引兵

奄至洪州果陷江南遂為楊氏所有

但看春來二三月柳條堪作打鐘槌

又報王審知十字讖

楊行密方盛常有吞東南之志審知齋供豫章問國

休咎以十字回報審知歎曰腹者福也得非福  
州之患不在楊行密在錢氏乎至延義之亂江

南來伐兩浙乘之敗江南  
兵福州果為錢氏有焉

### 不怕羊入屋只怕錢入腹

錢處士李氏識

處士不知何許人天祐末嘗遊江淮言李氏之祚云云楊氏自

稱尊至禪代二十年

李氏三十九年果應

### 髻鬟之間一倍揚

孫咸題廬山神廟詩

詩話總龜云咸出南唐末善為詩預知人禍福後死

南昌人棄屍於江沂流向上海題一詩於廬山九天使者廟不數年後金陵板蕩九江受圍人

民塗炭  
竝應

獨入玄宮禮至真焚香不為賤貧身秦淮兩岸沙埋骨  
溢浦千家血染塵廬阜烟霞誰是主虎溪風月屬何人  
九江太守勤王室好放天兵渡要津

南唐江州風墜詩

南唐胡則守江州宋師攻之堅壁不下忽有旋風吹片紙

墜城中云云後城陷果屠戮殆盡

由來秉節世無雙獨守孤城死不降何似知機早回首  
免教流血滿長江

杭州還鄉和尚唱

錢氏時有和尚在街市唱此  
人因名為還鄉和尚問之每

云明年大家都去錢  
氏果納地去歸汴云

還鄉寂杳無蹤不挂征帆水陸通  
蹋得故鄉田地穩更無南北與西東

福州記

五代史王潮據泉州觀察使陳巖表為  
刺史巖卒其婿范暉自稱留後潮遣弟

審知攻暉殺之唐即以潮為觀察使潮卒審知  
代立吳越備史載福州先有僧為記云云其驗  
也

潮水來巖頭沒潮水去矢口出

黃涅槃識

閩王氏亡國留從効繼領留務雖稱藩南唐實雄據一隅先是妙應大師

黃涅槃有識云云既而清源果無干戈之擾乃從効姓名所應

先打南後打北留取清源作佛國

陳智廣識

智廣留坡人生元和初居九座山不茹葷叩禍福必驗唐末王氏入閩語

人云云自光啓丙午  
據閩終保大丙午

騎馬來騎馬去

又識

智廣遇留從効甚厚又嘗有識云云後從効果據泉州如其言後滅

功下田力交連井底坐二千年

僧緘示王處厚

緘大中進士削髮修道至後周顯德中猶在偽蜀舉子王處厚嘗叩

之言其必捷但泰山舉為司命當食幽府祿留四句示之後成名者八士內處厚與王慎言策名為二王而一百二十日後處厚竟亡皆驗焉

周士同成二王殊名王居一馬百日為程

任叟書授劉生

叟居汝州紫邇山以樵為業有劉生者欲謁中表梁宋鄭牧求

濟遇叟於塗語次乞紙筆書此授劉忽失所在鄭果為人所訖黜官不遂所詣始知其為異人

承欲徃梁宋梁宋災方重旦夕為人訖承欲訪鄭生鄭生將有厄即為千里客兼亦變衫色

昌明里中讞

縣州昌明縣寶圖山寶子明修道之所臨峭壁笮橋以歲久朽絕里

中云云後咸通初山下居人有毛意  
歡得道術布板椽於繩上而度焉

欲知修續者脚下是生毛

宋善威詩

善威瀛州人任某縣尉嘗畫坐忽然走出門若迎接人者命酒饌樂飲仍

作詩云云後威  
果至庚申年卒

月落三株樹日暎九重天良夜歡宴罷斂別庚申年

田承嗣誑李寶臣偽讞

承嗣安史舊將降授魏博節度大歷中朝廷命

幽州朱滔恒定李寶臣及滑州李正巳三鎮兵討之承嗣求成於正巳又知寶臣生長范陽欲

得其地乃勒石為識密瘞寶臣境內使望氣者  
云此中有王氣寶臣掘得之有文云云二帝指  
寶臣正已也因使客諷寶臣背滔興兵取范陽  
自效寶臣以為事合符命喜而許之遂以兵襲  
滔承嗣知其釁已成乃旋軍告寶臣曰河內有  
警急不暇相從石上識文吾戲為之耳寶臣慙  
而怒而退

二帝同功勢萬全將田作伴入幽燕

皮日休造黃巢識

欲知聖人姓田八二十一欲知聖人名果頭三屈律

頭巢

醜掠鬚不盡疑三屈律  
之言識之日休遂及禍

附

上元初嵩山石記

上元初有洛州告成縣民得石記於嵩山縣令獻焉高宗

詔藏於內府云是寇謙之所刻文多奧不可解

木子當天下

言唐氏受命

止戈龍

言武后臨朝

李代代不移宗

言中

宗復中鼎顯真容

中宗廟諱及睿宗徽謚

基千萬歲

明皇御名基謂歷久長

也

上陽銅器篆

上元中韋弘機充使造上陽宮掘地得銅器似盆而淺中有隱起雙

鯉之狀魚間有四篆字云云時人以為李氏再興之符

長宜子孫

永安渠石銘

武后時監察御史王守真乞出家為僧名法成於京兆西市疏鑿池支分

永安渠水注之以為放生之所穿池之際獲古石銘云云自隋朝置都市至其時正一百年矣

百年為市後為池

漳泉分地神篆

開元中漳泉二州分疆界不均互訟於臺不能斷州官焚告山

川以祈神應俄而雷雨大至崖壁中裂所競之地拓為一徑高千尺深五里因為官道壁中有古篆六行二十四字皆廣數尺雖約此為界人莫能識貞元初流人李協辨之永安龍溪者兩

郡界首鄉名也

漳泉兩州分地太平永安龍溪山高氣清千年不惑萬

古作程

舍元殿丹石隱語

開元末舍元殿火去基下出丹石上有隱語云云

天漢二年赤先生栗木下有子傷心遇酷

長安空宅銘篆

天寶中長安有凶宅扶風蘇過  
賃居之東牆下掘得一石上有

篆文因改名有  
德取其金怪息

夏天子紫金三十斤賜有德者

莆田石記

慶歷中張緯宰莆田得一石其文云  
云有大歷五年縣令鄭押字記令人

家用碑石書曰石敢當  
三字鎮於門亦此風也

石敢當鎮百鬼壓災殃官吏福百姓康風教盛禮樂昌

符離樹穴中石篆

延陵包隰挽舟過符離西古  
樹下有穴一僕墮其中得一

石廣四寸有小篆云云其僕即  
名拷撻元和三年事也

旁有水上有道八百年中逢拷撻

淮西池濠石銘

元和十三年晉公襄度征淮西  
命人深池濠得一石上有雕出

文字為銘持以獻度咸不能究有一卒貿曰元  
濟成擒矣井底一臯竹竹色深綠綠者言吳少  
誠由行間一卒擁十萬兵為一方帥且喻其榮  
也雞未肥者無肉以肥去肉已字也酒未熟者  
無水以酒去水酉字也障車兒郎謂兵革之士  
也且須縮者謂宜退守其所也推是言之則已

酉日當剋也苟未及期則可俟矣後冬十月  
生得元濟校其日果己酉焉擢卒為裨將

井底一竿竹竹色深綠綠雞未肥酒未熟障車兒郎且

須縮

羅池石刻

柳子厚龍城錄云羅池北龍城勝地  
也役者得白石上微辨刻書云云

龍城柳神所守驅厲鬼山左首福土氓制九醜

道者遺記

太和中有柳光者南遊入山崦中至  
一石室室有茵榻若人居者見一缶

合於地下有泉不盡尺舉危以飲若甘醴盡十  
餘卮而已醉遂偃於榻及曉方寤視石壁有雕  
刻文字極多遂寫其字歸望其室盡亡見矣光  
究之不得有呂生者解之曰此乃得道者語也

唐氏之初建號武德武德之二年其歲己卯則  
武之在卯也堯者高祖之號八季者亦二年也  
我棄其寢我去其辰者言其去之時乃武德二  
年也深深然高高然人不吾知人不吾謂者言  
其隱而人不知也由今之後二百餘祀唐氏今  
果二百餘矣燄燄其光謂歲在丁未也丁南方  
之火未亦火之位也和和其始謂今天子建號  
曰太和蓋元年也東方有兔小首元尾者叔君  
之名氏東方甲乙木也兔者卯也卯以附木是  
柳字也小首元尾是光字也經吾道來吾里言  
君之來也飲吾泉以醉登吾榻而寐言君之止  
也刻乎其壁奧乎其義誰人以韓其東平子謂  
其義奧而隱獨吾能辨之

東平吾之邑也即又信矣

武之在卯堯王八季我棄其寢我去其辰深深然高高

然人不吾知又不吾謂由今之後二百餘祀燄燄其光  
和和其始東方有兔小首元尾經過吾道來至吾里飲  
吾泉以醉登吾榻而寐刻乎其壁奧乎其義人誰以辨  
其東平子

王璠石銘

太和中王璠廉問丹陽溝其城得一  
石銘文云云數日有一叟謁璠之吏

密謂曰是不祥也公之先曰釜釜生礲是山有  
石也礲生璠是石有玉也璠之子曰瑕休是玉  
有瑕即休休者絕之兆推是而辨其絕緒乎  
至太和九年冬璠卒夷其宗果符叟之解

山有石石有玉玉有瑕即休也

玄元觀棟桁記

咸通元年李相福居守東都修  
玄元觀鐘樓棟桁中空鉢之內

有方寸木云云福曰上語指御

名下即余之名也懿宗名漼

山水誰無言元年有福重修

天台觀石簡記

咸通十三年台州刺史姚鵠於  
天台山天台觀講堂後創老

君殿得石函中有玉簡上有文云云

具以上聞敕宣付史館頒示四方

海水竭台山缺皇家寶祚無休歇

成都羅城北門石記

上有乾符三年高駢名銜  
餘字斷缺莫知其為何詩  
也

五五復五五五逾重數浮世若浮雲金石一如故與君相見時杳杳非今土

青羊宮輶記

僖宗中和二年成都行在青羊宮忽見紅光如燧入地穿得輶上有

古篆六字節度陳敬瑄以聞宣付史官賊平還京敕翰林樂朋龜撰記

太平平中元灾

銅雀臺玉板篆

皇甫牧記曰故鄴都齊村民王敬之於銅雀臺下得一石匣長

尺有咫四傍及背隱起龍驤鳳翥及花葩之狀雕鏤奇詭殆非人工徐啓之中有白玉板上刻大篆六行獻魏帥樂彥損賚以東帛亦無能洞達其隱詞者當曹氏石氏高氏之代斯則鄴之

王氣休運所鍾於是諸賢衆矣焉知不有陰觀  
後代總括風雲幅裂山河之事而瘞玉以識之  
令石既出其事將兆矣

上土巴灰除虛除伊尹東北八九餘秦趙多應分五玉  
絲竹木子世世居但看六六百中外世主難留如國如

顯德道宮石記

顯德中世宗嘗營一道宮於皇城之西二人發得石一片上有

字云云後題道士任守真記帝讀之歎異

瑞雲靈跡鎮梁東他日多應與古同歲月遷移人事改  
再來閭處又興功

南唐昇元殿基下石記

江南將亡數年前掘得此

莫問江南事江南事可憑抱雞升寶位跨犬出金陵子

建司南位安仁秉夜燈東鄰嬌小女騎虎渡河水

其後李煜

降於宋好事者云煜以丁酉年生辛酉年襲位即難也開寶八年甲戌江南國滅是跨犬也時曹彬為大將列

柵城南潘美為副將城陷恐有伏兵命卒縱火子建彬

也安仁美也東鄰謂錢叔俶以戊寅年入朝盡獻浙西土地人民故末二句云云末二句一作東鄰

家道闢隨虎遇明興識者云家道闢謂無錢

馬殷浚城石碣篆

唐末劉建峰定長沙遣馬殷領衆浚城濠得石碣有古篆

十八其文云云解者以殷乾寧三年丙辰歲代立乃龍舉頭也至乾祐辛亥歲亡乃獮掉尾也

殷子希範以己未歲生又以開運丁未歲薨乃羊歸穴也又子希崇壬申歲生後為江南所俘乃猴離次也

龍舉頭猿掉尾羊為兄猴作弟羊歸穴猴離次

王霸仙壇輓刻

黃滔撰王審知福州造像碑云  
梁時王霸於怡山上昇山在府

城之西五里光啓丁未歲衛之燭柯山道士徐景立於仙壇東北隅取土掘得瓷瓶七口各可容一升水其中悉有炭上總蓋一青輓刻文字云云其壇東南有阜莢樹古云真君於此樹上升其後枯矣至咸通庚寅歲復榮茂為我公開闢之祥也

樹枯不用伐壇壞不須結未滿一千歲自有系孫列後

來是三皇潮水蕩禍殃巖逢二乍間未免有消亡子孫

依吾道代代封閩疆

五代史補云潮蕩禍殃謂王潮除  
禍患開基也

巖逢二乍間謂連帥

陳巖死潮取閩也代代明封

崇不過潮與審知兩世也

劉龜石識

龜初開國營構宮室得石  
識有古篆十六其文云云

人人有一山山值牛兔絲吞骨蓋海承劉

人人有一大  
人也山山出

也值牛者龜建漢國歲在丑也兔絲者歲襲位歲在卯  
也吞骨者滅諸弟也越人以天水為蓋海指宋國姓也

承劉者言受  
劉氏降也

南漢羅浮古劍篆文

南漢主劉龜時羅浮山  
掘得古劍有篆文云云

丁與水同宮王將耳口同尹來居口上山岫獲重重

者解

云宋太祖以丁亥年降誕是丁水同宮也於文耳口  
王為聖尹口為君重山為出蓋丁亥年而聖君出也

司馬承禎含象鑑文

天地含象日月貞明寫規萬物洞鑒百靈

龜自卜鏡自照吉可慕光不曜

青蓋作鏡大吉昌巧工刊之成文章左龍右虎辟不祥

朱鳥玄武順於旁子孫富貴居中央

景震劖文

搗雷電運玄星摧凶惡亨利貞

乾降精坤應靈日月象岳瀆形

高麗鏡文

梁末帝貞明三年王建立為王市有異人賣古鏡有文云云文人宋舍弘

解之曰三水中四維下上帝降子于辰馬者辰韓馬韓也已年中二龍見一則藏身青木中一則見形黑金東青木松也謂松岳郡人以龍為名者之子孫可為君王也黑金鐵也指鐵圓謂令王初盛於此殆終滅於此乎先操雞後搏鴨者王侍中得國後先雞林後收鴨綠之意也弓箭令物色求異人東州勃

三水中四維下上帝降子於辰馬先操雞後搏鴨已年  
颯寺有鎮星塑像如其狀

中二龍見一則藏身青木中一則見形黑金東

京西市放生池墓銘

太平公主於京西市掘池  
贖水族之失水者置其中

謂之放生池  
得墓銘云云

龜言市蓍言水

古墓卜地詞

開元中江南大水明皇詔侍御史  
鄆君載往巡見道旁有古墓水瀆

其穴公命遷高原上既發墓得一

石有銘二十言乃卜地者之詞

爾後一千歲此地化爲泉賴逢鄆侍御移我向高原

衛先生墓銘

衛先生大經解渠人以文學聞常  
閉門絕人事周知天文歷象窮冥

索玄後以壽終墓於解梁之野開元中大水姜  
師度奉詔鑿無鹹河以溉鹽田剗室廬瀆丘墓  
甚多既至衛先生墓前發其地得一石刻字爲  
銘蓋先生之詞也師度異其事命工人遷其河  
遠先生之墓數十步

姜師度更移向南三五步

隱者瘞男銘李泌少時有隱者攜一男六七歲  
來過云有故須南行旬月當還此  
男病疾願且寄之又留一函曰若疾不起望以此  
瘞之旣許乃問男曰不驕留此得乎曰可遂  
去泌療之終不愈而殂即以此函瘞之其人竟  
不來發函視之有一黑石天然中方上有字如

神真鍊形年未足化爲我子功相續丞相瘞之刻立玉  
仙路何長死何促

烏氏葬碑

烏重胤葬先世掘得石碑云云重胤依而用之

牛領岡頭紅簫籠下葬用兩日手板相亞

巖腹棺銘

左衛將軍王果被責出為雅州刺史於江中泊船仰見巖腹中有一棺臨

空半出銘云云果歎曰吾今葬此人被責雅州固其命也乃收窪而去

欲墮不墮逢王果五百年中重收我

錄異記亦載此云地裂山崩水漂我

臨及長江危欲墮欲墮不墮遇王果五百年後改葬我

古棺石銘

建州刺史熊博初爲建安津吏岸崩

得一古冢藤蔓纏其棺旁有石銘云

云博時貧爲

率錢葬之

欲陷不陷被藤縛欲落不落被沙閣五百年後遇熊博

漣水古冢餅文

周顯德乙卯歲僞漣水軍使秦進崇修城發一古冢棺槨皆腐

得一餅中更有一餅黃質黑文成隸字云其明年周師伐吳連崇死之

一雙青鳥子飛來五兩頭借問船輕重寄信到揚州

沈彬廣篆

彬臨終指葬處以示家人穴之乃一家未嘗葬人石燈臺上有漆燈一盞

廣頭有一銅碑篆文云云

佳城今已開雖開不葬埋漆燈猶未滅留待沈彬來

廣陵古冢石刻

南唐保大中廣陵理城隍因及古冢得此或云李白詞也

日爲箭兮月爲弓四時躬人兮無窮但得天將明月死不覺人隨流水空山川秀兮碧穹窿崇夫人墓兮直其中猿啼鳥嘯煙濛濛千年萬年松栢風

王承檢掘得墓銘

王蜀秦州節度使王承檢築防蕃城至上卦山下獲瓦棺

內無屍唯有  
只有一觸體中有一古錢有二蟠振然飛去片

石刻篆字開皇二年渭州刺史張崇妻夫人王氏墓也其銘云云是歲僞乾德六年丙子歲合

郎即王承  
檢小字

車道之北邽山之陽深深葬玉鬱鬱埋香刻斯貞石煥  
乎遺芳地變陵谷嶮列城隍乾德丙年壞者合郎

馬希振墓地碣

希振亦殷之子清泰中卒葬長沙之陶浦掘得石碣其文云云

蓋馬氏諸王雖於周廣順辛亥歲遷於江南然其國變質在庚戌故也

亂石之壞絕世之岡谷變庚戌馬氏無王



總校官庶吉士臣張能照

校對官中書臣張 埽

謄錄監生臣左 詢